


02

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj: 01-04-49840-26/25
Sarajevo, 15.10.2025. godine



-VLADA KANTONA SARAJEVO

-PREMIJER VLADE KANTONA SARAJEVO (za sve državne službenike i namještenike u Vladi Kantona Sarajevo uključujući i Stručne službe Vlade i svih Ureda Vlade Kantona Sarajevo)

-KABINET PREDSEDavajućEG SKUPŠTINE KANTONA SARAJEVO

-KANTONALNA UPRAVA CIVILNE ZAŠTITE KANTONA SARAJEVO

-KANTONALNA UPRAVA ZA INSPEKCIJSKE POSLOVE

-ZAVOD ZA INFORMATIKU I STATISTIKU KANTONA SARAJEVO

-ZAVOD ZA IZGRADNJU KANTONA SARAJEVO

-DIREKCIJA ZA ROBNE REZERVE KANTONA SARAJEVO

-ZAVOD ZA PLANIRANJE RAZVOJA KANTONA SARAJEVO

-ZAVOD ZA PRUŽANJE BESPLATNE PRAVNE POMOĆI KANTONA SARAJEVO

PREDMET: Zastupnička inicijativa, dostavlja se –


Zastupnica Belma Kapo u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj:41/12-Dруги novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), na 25. radnoj sjednici Skupštine Kantona Sarajevo, održanoj dana 15.10.2025. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je zastupničku inicijativu koju vam u prilogu dostavljamo. Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa

Pripremila: Amela Smailagić-Čamdžić
Kontrolisala: Aida Zeković

CO:

- sekretar SKS
- sekretar Vlade



**PREDSEDavajućI
SKUPŠTINE KANTONA SARAJEVO**

SKUPŠTINA KANTONA SARAJEVO

Sarajevo, 15.10.2025.

N/R: Predsjedavajućem Skupštine Kantona Sarajevo

ZASTUPNIČKA INICIJATIVA

Predmet: ***Inicijativa za planiranje budžetskih sredstava radi provođenja periodičnih (sistematskih) ljekarskih pregleda za državne službenike i namještenike u Kantonu Sarajevo***

Inicijativu dostavljam :

Premijeru Vlade Kantona Sarajevo (za sve državne službenike i namještenike u Vladi Kantona Sarajevo uključujući i stručne službe Vlade i svih Ureda Vlade Kantona Sarajevo)

Kabinetu Predsjedavajućeg Skupštine Kantona Sarajevo

Kantonalna uprava civilne zaštite Kantona Sarajevo

Kantonalna uprava za inspekcijske poslove

Zavod za informatiku i statistiku

Zavod za izgradnju Kantona Sarajevo

Direkcija za robne rezerve

Zavod za planiranje razvoja Kantona Sarajevo

Zavod za pružanje besplatne pravne pomoći

Polazeći od činjenice da su preventivni zdravstveni pregledi jedan od najefikasnijih načina očuvanja zdravlja zaposlenih, podnosim inicijativu da se u budžetu navedenih institucija za narednu godinu planiraju sredstva za finansiranje periodičnih sistematskih ljekarskih pregleda za sve državne službenike i namještenike u organima državne službe, kantonalnim

upravama i upravnim organizacijama.

Zdravlje zaposlenih direktno utiče na efikasnost, produktivnost i kvalitet rada javne uprave.

Redovni ljekarski pregledi omogućavaju rano otkrivanje hroničnih i profesionalnih oboljenja, smanjuju izostanke s posla, podižu moral zaposlenih i doprinose stvaranju radnog okruženja koje cijeni brigu o zdravlju.

S obzirom na to da su državni službenici i namještenici izloženi različitim oblicima profesionalnog stresa, dugotrajnom sjedenju, radu za računarom i drugim faktorima rizika, neophodno je osigurati organizovanu i sistemsku brigu o njihovom zdravlju.

Ova inicijativa se zasniva na odredbama:

- Zakona o radu Federacije BiH („Službene novine FBiH“, broj 26/16 i 89/18), član 39. stav (1), koji propisuje da je poslodavac dužan osigurati zaštitu života i zdravlja radnika u skladu sa prirodom posla i uslovima rada;
- Zakona o zaštiti na radu Federacije BiH („Službene novine FBiH“, broj 79/20), član 20. stav (2), koji propisuje da poslodavac mora osigurati zdravstvene preglede zaposlenika u skladu sa procjenom rizika i prirodom posla;
- Zakona o državnoj službi u Kantonu Sarajevo, koji obavezuje organe državne službe da vode računa o uslovima rada i zdravlju zaposlenih.

Ova inicijativa ima za cilj da unaprijedi brigu o ljudskim resursima u javnoj upravi, doprinese zdravijem radnom okruženju i dugoročno poboljša kvalitet javnih usluga koje Kanton Sarajevo pruža građanima.

S poštovanjem,

Belma Kapo

Zastupnica SDP BiH u Skupštini Kantona Sarajevo